

Guangjisi Minzcu Bau

ganhhau: CN45-0036 B.2015 Nd.5 Ng.27 liggaueq ietfeih nienz ndwenseiq cocib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3175期

Cingsih Yen Gizyangz Cin Aeu Vahcuengh Senhconz Cihsiz Re Feiz

靖西县渠洋镇用壮语宣传防火知识

“Bineix 4 nyied 20 hauh daengz 5 nyied 31 hauh dwg yienh raeuz duenh haengguenj saeh fuengzre feiz dawz ndoeng, rangh dieg ndoengfaex mbouj ndaej diemj feiz, sauqmoh baij cojcoeng mbouj ndaej cuengq bauqciengh.” Neix dwg Cingsih Yen Gizyangz Cin aeu Vahcuengh senhconz cihsiz fuengzre feiz dawz ndoeng, hix dwg yienh cwngefuj aen mingling haengq-guenj vunzlai mbouj ndaej youq

gyangdoengh luenh yungh feiz. Duenh neix, moix ngoenz doenghgi ci senhconz neix hai gvaq daengx cin 22 aen cunh(haw) 300 aen mbanj.

Vih gyarengz senhconz fuengzre feiz dawz ndoeng, cauxguh aen fwnveiz ndei “fuengzre ndoeng deng feiz, boux boux aeu guh daengz”, aen cin neix dingh aen fangh an senhconz fuengzre ndoeng deng feiz, hai ci senhconz aeu Vahcuengh

boqok, bienfat donjsin re feiz, venj fukvang re feiz, diep byauhyij re feiz, yaenqfat 《Fung Saenq Hawj Vunzlai》《Aen Mingling Haengguenj Youq Ndaew Doengh Yungh Feiz》daengj, doenggvaq lai cungj fuengsik cienzmienh, gaenjmaed, dauqcawq senhconz fuengzre ndoeng deng feiz, hawj hong fuengzre ndoeng deng feiz ranz ranz rox, boux boux hengz.

(Yangz Liuqing/杨柳青 Cau Yinggyau/赵英巧)

SIUSIK DINJ

简讯

● Vihliux caenh itbough sawj Nanzningz Si minzveij hidungj daez-sang suijbingz guh hong guenjieix minzcu ginhci, guenj ndei yungh ndei cienzngaenz fazcanj saujsu minzcu, 5 nyied 21 hauh, Nanzningz Si Minzveij youq Binhyangz Yen gawjbanh 2015 nienz daengx si minzveij hidungj saujsu minzcu ginhci gunghcoz guenjieix beiz-yinbanh. Daengx si 12 aen yienh(gih) minzcunghgiz gizcangj nem doengh-boux rapdawz hong guenjieix saujsu minzcu ginhci camgya beizyin.

(Yangz Sinhyungz)

● 5 nyied 20 hauh, Yungzsuij Myauzcuz Swciyen Dalang Cin Sanglij Cunh 180 lai boux vunzmbanj youq gyawj ranz camgya nungzyez canjyezva saedyungh gisuz beiz-yinbanh. Ndaew yienh gohgigiz doenghboux nungzyez gisuzyen son-gyauq baenzlawz dajndaem, dwk-bwnh, ganq ndei manhdaengj-mbwn, lwgbiek daengj doenghgi nungzcozvuz yungh seizgan dinj, roengzcienz noix, soundaej vaiq, baengh neix daeuj daezsang dajndaem suijbingz, coengh nungzminz ndaej laisou.

(Yangz Baujanh)

● 5 nyied 19 hauh, Bouxcuengh Ngeih Yienz Ndokmax Hezvei Nem Daih it Baez Daiyauj Daihoih youq Dwzbauj Yen hai, neix hauh ok hongsaeh henhoh swncienz nem hwngfat gij yisuz ngeih yienz ndokmax Bouxcuengh ndaej hwnj mbaek moq.

(Nungz Yungjfang)

● 5 nyied 15 daengz 18 hauh, Cungzcoj Si Gyanghcouh Gih Minzcuzgiz, Minzyijban youq Gyanghnanz Yizsiuj guh hozdung dawz Fwen-cuengh haeuj hagdagz. Baez neix cingj ndaw si boux govuengz Veiz Ci daeuj hwnjdangz, cujyau sonhag ciengq go couxhek Bouxcuengh, go soengqhek; hag diuq fouxcienzleij, gungh miz 50 lai boux hagseng camgya.

(Veiz Veighen)

● 5 nyied 18 hauh, Vanzgyangh Mauznanzcuz Swciyen aen hanghmoeg gunghcwngz “Ginhyi Giuzndojfwn” cingqsik haigoeng. Hanghmoeg cungj menciz 18112 bingz-fanghmij, giuz raez 108 mij, gvangq 22 mij. Aen hanghmoeg neix gungh roengzngaenz 1.3 ik maenz.

(Veiz Vwnjbanh)



Lungzswng: Doxdax Dajsiuq Doenghyiengh Minzcu Hwng Canjyez

龙胜：民族刺绣比赛促繁荣

5 nyied 19 hauh, Lungzswng Gak Cuz Swciyen gawjbanh mehmbwk saujsu minzcu doxdax dajsiuq. Dangdieg miz 50 lai boux canghdajsiuq yienhciegz dajsiuq hawj vunzlai yawj. Doenggvaq doxdax, doenghboux camgya doxdax ndaej doxgyau dinfwngz dajsiuq, caemhcai doenggvaq “cienz, coengh, daiq”, sonyinx mehmbwk saujsu minzcu gaj guh hongwnq, daidoengh hongsaeh dajsiuq ndaej hwngfat. Ndaew doz dwg doenghboux mehmbwk Yauzcuz ndaej ciengj sim angq naj riu.

(Veiz Gizyangz/韦吉阳)

Libuj Yen Leihyungh Cienzngaenz Cienhangh Coengh Vunzlai Gaijgez Nanzdaez

荔浦县利用专项经费为少数民族群众解难题

Daj 2011 nienz daeuj, Libuj Yen yaenqfat 《Aen Yigen Gvendaengz Caenh itbough Gyagiengz Guh Hong Minzcu Libuj Yen》, dingh le gij cienzngaenz yienh gaep fazcanj nem guh hong saujsu minzcu. 2011 nienz dingh gij cienzngaenz yienh gaep cienmonz fazcanj saujsu minzcu 20 fanh maenz, cienzngaenz hawj yienh minzcuzgiz guh hong

minzcu 8 fanh maenz, cienzngaenz hawj Bujluz Yauzcuz Yangh guh hong minzcu 8 fanh maenz. Dingh nem anbaiz gij cienzngaenz neix, moix bi ndaej yungh daeuj coengh vunz nem dieg saujsu minzcu gaijgez nanzdaez, neix daejyienh le dangj nem cwngefuj gvensim nem bangcoengh vunz nem dieg saujsu minzcu, neix ndaej haujlai vunz

saujsu minzcu haenhndei. Bineix, Libuj Yen vih caenh itbough guhndei nem caezcienz gij gihci hawj cienzngaenz fazcanj saujsu minzcu gyalai, aen yienh neix gietdingh moix bi gyalai 5%, neix doiq coicaenh dieg minzcu ginhci fazcanj gig mizyungh.

(Ciengj Yi/蒋毅 Yangz Sinh-cenz/杨新全)